



Broj: 02-19-189-01/26
Sarajevo, 31. marta 2026. godine

**BOSNA I HERCEGOVINA
FEDERACIJA BOSNE I HERCEGOVINE**

FEDERALNO MINISTARSTVO PROSTORNOG UREĐENJA
n/r gosp. Željko NEDIĆ, ministar

FEDERALNA UPRAVA ZA INSPEKCIJSKE POSLOVE
n/r g-đa Ivana PRVULOVIĆ, direktorica

HERCEGOVAČKO-NERETVANSKI KANTON
n/r g-đa Marija BUHAČ, premijerka

MINISTARSTVO GRAĐENJA I PROSTORNOG UREĐENJA HNK
n/r gosp. Bekir ISAKOVIĆ, ministar

SKUPŠTINA HNK
n/r gosp. Džafer ALIĆ, predsjedavajući

GRAD MOSTAR
n/r gosp. Mario KORDIĆ, gradonačelnik

**ODJEL ZA PRIVREDU, KOMUNALNE I INSPEKCIJSKE POSLOVE GRADA
MOSTARA**
n/r g-đa Amira TRBONJA, načelnica

GRADSKO VIJEĆE GRADA MOSTARA
n/r gosp. Đani RAHIMIĆ, predsjedavajući Gradskog vijeća Grada Mostara

Predmet: Zahtjev za postupanje nadležnih institucija po pitanju nelegalne gradnje na području
 Grada Mostara
 - dostavlja se -

Poštovani,

Polazeći od ustavne obaveze zaštite pravnog poretka, jednakosti svih pred zakonom i očuvanja javnog interesa, a koji se odnose na višedecenijsku praksu nelegalne i neplanske gradnje na području Grada Mostara, obraćam vam se sa zahtjevom za hitno i odlučno djelovanje u okviru vaših nadležnosti.



ZAHTIJEVAM:

1. Da svaka od navedenih institucija, bez odlaganja, poduzme konkretne mjere iz svoje zakonske nadležnosti u cilju utvrđivanja činjeničnog stanja u vezi sa izgradnjom objekata, spomenika i vjerskih simbola na području Grada Mostara koji su podignuti bez odgovarajućih odobrenja, planske dokumentacije i važećih građevinskih dozvola.
2. Da se, u skladu sa važećim zakonima, pokrenu postupci nadzora, kontrole i sankcioniranja svih oblika nelegalne gradnje, bez selektivnosti i bez izuzetaka, vodeći se principom potpune jednakosti pred zakonom.
3. Da se razmotre i poduzmu mjere privremene obustave radova, uklanjanja ili pečačenja objekata za koje se utvrdi da su izgrađeni suprotno zakonskim propisima, sve do njihovog potpunog usklađivanja sa pravnim okvirom.

POSEBNO ZAHTIJEVAM:

Da sve navedene institucije, svaka u okviru svojih nadležnosti, dostave pisani izvještaj potpredsjedniku Federacije Bosne i Hercegovine o poduzetim radnjama, utvrđenim nepravilnostima i izrečenim mjerama, **u roku od 30 dana** od dana prijema ovog zahtjeva.

Vladavina prava ne može biti parcijalna niti selektivna. Ne može se primjenjivati na jedne, a ignorisati kod drugih. Upravo u tome leži snaga države – u njenoj dosljednosti!


Nelegalna i neplanska gradnja predstavlja ozbiljan udar na pravni poredak, urbanistički razvoj i ukupni društveni ambijent. Ona narušava povjerenje građana u institucije i otvara prostor za pravnu nesigurnost.

Grad Mostar, kao simbol zajedničkog života, mora biti primjer poštivanja zakona, a ne prostor u kojem se zakon relativizira ili zanemaruje.

Zato je krajnje vrijeme da nadležne institucije pokažu odgovornost, profesionalnost i odlučnost. Niko ne može biti iznad zakona – ni pojedinac, ni institucija, ni bilo koja zajednica!

Ovo pitanje ne smije biti predmet politizacije, već isključivo pitanje pravde, reda i jednakosti!

S poštovanjem,

Potpredsjednik
Federacije Bosne Hercegovine

Refik LENDO



Dostaviti:

- Naslovu
- Arhivi